

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ

СЕКРЕТАРИЈАТ  
ЗАЈЕДНИЧКА СЛУЖБА

Сектор за међународне односе и протокол  
Одјел за сарадњу са  
међународним организацијама



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE

СЕКРЕТАРИЈАТ / ТАЈНИШТВО  
ЗАЈЕДНИЧКА СЛУЖБА

Сектор за међународне односе и протокол  
Одјел за сарадњу с међународним организацијама  
Одјел за сарадњу с међународним организацијама

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ  
S A R A J E V O

Broj: 03,03/11,04/6-05-1-418/17

Sarajevo, 9.3.2017.

PRIMLJENO.	30 -11- 2017		
Organizaciona jedinica	Klasifikaciona oznaka	Redni broj	Broj priloga

**KOLEGIJIMA OBA DOMA PARLAMENTARNE SKUPŠTINE BiH  
KOMISIJI ZA VANJSKE POSLOVE PREDSTAVNIČKOG DOMA  
KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I  
KOMUNIKACIJE DOMA NARODA  
ČLANOVIMA DELEGACIJE PSBiH U PARLAMENTARNOJ SKUPŠTINI UNIJE  
ZA MEDITERAN  
KOLEGIJU SEKRETARIJATA**

**IZVJEŠTAJ SA SASTANKA KOMITETA ZA POLITIČKE POSLOVE, SIGURNOST  
I LJUDSKA PRAVA PARLAMENTARNE SKUPŠTINE UNIJE ZA MEDITERAN  
(PSUzM)**

**Brisel, 2.3.2017.**

Na poziv Renata Sorua, predsjedavajućeg Komiteta za političke poslove, sigurnost i ljudska prava Parlamentarne skupštine Unije za Mediteran, održan je sastanak Komiteta u Briselu, 2.3.2017. U ime Parlamentarne skupštine BiH učestvovali su članovi Delegacije PSBiH u PSUzM Hazim Rančić, predsjedavajući, i Diana Zelenika, zamjenica predsjedavajućeg.

Na sastanku su članovi parlamenata zemalja članica PSUzM imali priliku da se upoznaju s Euromediteranskim programom za upravljanje migracijama na Mediteranu, te da razmijene mišljenja sa zvaničnicima EU, koji se bave ovim pitanjima, o problemima migracija i pitanja sigurnosti. Također, na sastanku se raspravljalo i o realizaciji projekta dobivanja desalinizirane morske vode u pojasu Gaze.

Gospodin Soru je istakao potrebu PSUzM za boljim praćenjem projekata Unije za Mediteran, njihovog finansiranja i efikasnosti. Ministar Mazin Gnaim, šef palestinskog vodnog tijela, predstavio je projekat desalinizacije u Gazi, kao ključni projekat poboljšanja životnih uslova u pojasu Gaze. Prema najnovijim podacima, čini se da će akvifer Gaze biti nepopravljivo iscrpljen do 2020. godine. Tri postrojenja za obradu vode koja su do sada otvorena, zajedno s uvozom vode iz Izraela u Gazu, pomogli su prepoloviti potražnju Gaze za vodom. Gospodin Gnaim istakao je nužnost provođenja centralnog projekta desalinizacije koji bi mogao odgovoriti na potrebe stanovništva Gaze. Kako bi se to postiglo, naglasio je potrebu izgradnje efikasne stanice za proizvodnju električne energije. Budžetske potrebe velikog projekta desalinizacije u ukupnom iznosu su 592 miliona dolara, djelimično osiguranog od Islamske banke za razvoj i zemalja EU. Michael Köhler, direktor oblasti južnog susjedstva (DG NEAR), (Evropska komisija), predstavio je projekat i dao informacije o tehničkim aspektima. Dugoročno planiranje, dovoljna dostupnost zemljišta i finansijska održivost i samoodrživost

čine se ključnim faktorima uspjeha. Da bi projekat uspio, potrebna je politička saradnja između Izraela i palestinske vlasti. Gospodin Köhler naglasio je ulogu EU u promoviranju i uspostavi projekta, kao dio humanitarnog i razvojnog programa EU. Istakao je da je EU bila od ključnog značaja u jačanju saradnje između Palestine i Izraela.

Gospodin Soru je istakao da je neophodno da PSUzM imenuje dva izvjestioca za svaki projekat aktivnosti PSUzM s ciljem praćenja projekata Unije za Mediteran.

U toku sastanka razmijenjena su mišljenja o euromediteranskom programu upravljanja migracijama na Mediteranu, te su se u vezi s tom temom obratili **Leonello Gabrici**, šef sektora Migracija i ljudska sigurnost (EEAS); **Susanne Mallaun**, šefica Odjela za sjevernu, zapadnu i centralnu Afriku (DG ECHO) i **Annabelle Roig Granjon**, viša saradnica za poslove EU (UNIICR, Brisel).


Gospodin Gabrici upoznao je učesnike o problemima u vezi s upravljanjem migracijama. Predstavio je politički odgovor na trenutnu izbjegličku krizu, istakao značaj dogovorenog „partnerskog okvira“, dokumenta u kojem se definiraju smjernice i mjere koje je usvojila EU u skladu s njenim bilateralnim sporazumima i njenom obavezom da pomogne lokalnim oblicima socioekonomskog razvoja. Gospođa Granjon procijenila je da je nužna veća obaveza i nastavak planiranja zaštite izbjeglica unutar i izvan evropskih teritorija. Istakla je da je neophodna velika predanost u upravljanju fenomenom, pomaganju mediteranskih zemalja u razvoju sistema azila i pružanju humanitarne pomoći. Predložila je da se poboljša praćenje i procjena lokalne i regionalne dinamike kao sredstva za sprečavanje humanitarne krize.

Delegacije Turske i Jordana izrazile su nezadovoljstvo jer su, kao susjedne zemlje, prepuštene teretu krize izbjeglica iz Sirije, uz malo pomoći EU. Turska delegacija istakla je potrebu da se u potpunosti primijeni sporazum o migracijama EU - Turska. Neki članovi zatražili su od PSUzM da se više usredotoči na ekonomske migrante i izbjeglice na srednjem i istočnom Mediteranu. Naglašen je i značaj Unije za Mediteran, kao platforme zajedničkih političkih i ekonomskih aktivnosti, da izvrši pritisak na nacionalne vlade kako bi se postigla stabilnost u regiji.

Gospodin Soru obavijestio je prisutne da će se sljedeći sastanak Komiteta održati u Rimu 12.5.2017., uoči plenarnog zasjedanja Parlamentarne skupštine Unije za Mediteran.

Pripremila<sup>1</sup>:

Lara Borovina,

  
Sekretar Delegacije PSBiH u PSUzM

Dostaviti:

- naslovu
- Ministarstvu vanjskih poslova BiH
- a/a

---

<sup>1</sup> Uz odobrenje predsjedavajućeg Delegacije PSBiH u PSUzM